


### 3. RECENZENT:

Prof. Dr. Sc. Izet Beridan

Univerzitet u Sarajevu – Fakultet političkih  
nauka



Ponuđen mi je na akademsku ocjenu tekst Dr. Sc. Dragana Radišića pod naslovom „ Kontrola nad oružanim snagama – inostrana i BiH iskustva“ . Nakon proučenog sadržaja., u pisanoj formi, nudim svoje Mišljenje - Recenziju .

-----  
Tragom akademske rigorozne, Dr. Radišić je u prvom poglavlju ponajprije posvetio potrebnu i dovoljnu pažnju analizi pojma „kontrola“, njegovu značenju, sadržaju i značaju u kontekstu odbrambenog i bezbjednosnog sistema države , te vrstama demokratske kontrole.

Složenost demokratskih procesa i njihovi specifikumi od države do države , nužno su usmjerili autora da kroz različite modele kontrole, analizira iskustva u nas i u svijetu, pažljivo birajući države čija će iskustva kritički predočiti, pri tome imajući u vidu njihove prakse u gradnji države same i njenih demokratskih pretpostavki za adekvatnu kontrolu vojne sile. Pri tome je za uporednu analizu iskustava značajno bilo birati države iz dva, odnosno tri kruga : iz reda država stabilne demokratije, postkomunističkih država i pri tom ne zaboraviti činjenicu da su neke od njih članice NATO – a, ili su pak u procesu integracije u ovaj Savez. U dovoljnoj meri i sadržajno, autor je alalizirao modele, iskustva i ustavno – pravne osnove za demokratsku kontrolu oružanih snaga u : Rumuniji, Slovačkoj, Sloveniji, Bugarskoj, Poljskoj, Mađarskoj, Češkoj,

Finskoj, SAD, Francuskoj, a potom ustavno i zakonodavno određenje demokratske i civilne kontrole oružanih snaga Bosne i Hercegovine.

Iskustva iz prethodnih komparacija, Dr. Radišić je znalački i odgovorno razlučio, a potom predočio doseg zakonodavne utemeljenosti i određenja „demokratske i civilne kontrole oružanih snaga Bosne i Hercegovine“. Neka od pojašnjenja su potaknuta odabranim i jasnim šemama koje prikazuju organizaciju i procese, posebno inspekcijskog oblika kontrole oružanih snaga na različitim nivoima.

Autor je posebnu pažnju posvetio pojašnjenju i specifičnoj ulozi vojnih povjerenika u : Njemačkoj, Velikoj Britaniji, Norveškoj, Švedskoj, Irskoj, te još nekim evropskim zemljama među kojima je svakako i Bosna i Hercegovina.

-----

Analizirani tekstovi Dr. Dragana Radišića pod naslovom „Kontrola nad oružanim snagama – inostrana i BiH iskustva“ , po svojem karakteru, sadržaju i obimu predstavljaju jednu cjelinu koja ima svoj teorijski, praktični i analitički značaj. Taj značaj se, pored ostalih ogleda u njihovoj akademskoj i metodološkoj zrelosti , a potom i u domenu praktične primjene različitih modela i iskustava demokratskog nadzora i kontrole oružanih snaga Bosne i Hercegovine u uslovima njenih integracijskih procesa. Komparirana iskustva značajno mogu doprinijeti boljem razumijevanju jednoga od najbitnijih fenomena u težnji ka demokratizaciji Bosne i Hercegovine, prostora bivše SFR Jugoslavije i Balkana: u akademskim i političkim krugovima, a napose u komandama i jedinicama oružanih snaga , te obrazovanju mladih, bolje poimanje mjesta i uloge vojne sile u društvenim i političkim procesima.

-----

Sa osobitim zadovoljstvom predlažem da se tekstovi – knjiga Dr Radišića pod predloženim naslovom štampaju i ponude javnosti na akademsku prosudbu u pogledu sadržaja ,

teorijskog i metodološkog doseg, a u pragmatičnom smislu njihove primjene u profesionalnoj, političkoj i građanskoj edukaciji.

Sarajevo, 23.07.2010. godine

Recenzent,  
Prof. Dr. Sc. Izet Beridan

